

池州府志卷第七

中憲大夫知江南池州府事加六級襄平馬世永編纂

山川志

一 貴池齊山下

齊山寺本宋延慶寺在蕉筆巖前

按蕉筆巖淳熙歲次戊申五月

二十五年重建法堂修造僧正仁幹緣紹興間僧義淵

住持釋慶顯諸字是法堂應即延慶寺

移建山趾臨道濱湖易額觀音寺明始易今名有正德

中邑人章瑩齊山寺源流記及天啓間邑人王建和新

修齊山寺碑餘皆漫滅無考

以下皆齊山圖畫志

唐張喬宿齊山僧舍

一宿經窗臥白波萬重歸夢隔煙蘿若言不得南宗

要長在禪牀事更多

宋梅堯臣遊齊山寺

蒼山南望截雲煙。中有紺宇通諸天。長橋直渡清溪
水。寒湖收潦曠平田。古木陰森大堤上。千峯濃淡高
樓前。龍筍未迸角出縮。虎石亂踞筋拳拳。崖乳泉
濕苔蘚。陽谷暖氣留蘭荃。澗戶曉闢煙靄的。松軒夜
啓月娟娟。聞有謫仙乘輿入。飄然分拍洪崖肩。玩幽
逐勝不覺遠。露奇發怪工無全。扪蘿但識康樂境。飲
酒安問遠公禪。清猿不到俗士耳。香草已入騷人篇。
水鳥念佛次淨界。野鹿銜花來象筵。在昔探賢猶可

數勝景秀句。今得傳詞韻險絕。茲所駭何特。杜牧專
當年重以平淡若古樂聽之。疏越如朱絃。祕藏楮中
爲不朽。咨諏座上皆曰然。誰意初官獲此。覓洗去鄙
吝。空池邊聊欲報言。宰邑使春郊。惟見鴈連連。

錢勰題齊山寺壁

來逢采石連江雪。坐見齊山拂檻梅。惆悵佳人隔煙
水。碧雲空谷未歸來。

王鞏

一作孫滿

齊山僧舍

竹密通幽徑。橫橋逐澗斜。陰崖聳珪壁。古蔓引龍蛇。
寺僻虛僧磬。亭荒足兔罝。紫微今不見。著意採黃花。

楊萬里宿池州齊山寺即杜牧之九日登高處

我來秋浦正逢秋夢裏曾來似舊遊風月不供詩酒

債江山長管古今愁謫仙狂飲顛吟寺小杜倡情醉

上樓問著州民渾不識齊山依舊俯寒流自注齊山五洞其一

曰妙峯峯下有山谷

○劉定遊齊山招提

樓迴山饒翠湖平水漫黃開簾無午暑隔洞有秋香

冰枕聊相慰雲帆亦未忙月明與溪色好在紫微郎

○蘇元鼎遊齊山寺

秋浦齊山寺峯巒楚楚長巖根堆鴈塔溪角駕虹梁

雨過聞幽磬雲開見上方苔侵石磴滑花擁洞門香

禪客探玄切騷人覓句忙汲泉寒井廢觀郡古樓荒

白鳥巢危樹孤猿叫斷岡碑珉黃閣相詩版紫微郎

踪跡依稀在文章大半亡登臨正吟賞惆悵見斜陽

○華岳齊山寺

寺覺重遊好僧期後會賒青蟲雕病葉白鳥篆平沙

水瘦石生齒山寒梅未花功名應有待且謁惠公茶

此齊山石刻也按岳翠微南征錄載此詩題作遊溪西寺次府判湯丈韻似應南征時所作且詩首句云

寺覺重遊好岳里居齊山于寺朝夕至不應有重遊好之語後人特重岳而刻此於石志遂牽入之耳并

記

○明金溥重遊齊山寺

昔年奉使此經過暫駐星船入薜蘿亭隱翠微香露
濕殿迴碧落彩雲和壑風響應齋僧磬澗水聲隨牧
豎歌今日重來知郡事四郊民物近如何

○李宗泗齊山寺

人愛青松鶴愛涼月明尋到遠公房花開花落壺中
老雲去雲來洞口長白鳥不驚遊客醉青山偏笑老
僧忙芙蓉溪上和衣臥一掬清泉透骨香

陳效次杜韻柬僧道鑑

齊山如鳳刺天飛清夢時常遶翠微宦海每驚千里
隔故園未定幾時歸山靈有道興雲雨江水無情送
日暉欲寄大顛無長物一詩珍重當留衣

王守仁遊齊山寺次杜韻

即看花發又花飛空向花前歎式微自笑半生行脚
過何人未老乞身歸江頭鼓角翻春浪雲外旌旗閃
落暉羨殺山中麋鹿伴千金難買芰荷衣

倦鳥投枝已亂飛林間暝色漸霏微春山日暮成孤
坐遊子天涯正憶歸古洞洩雲含宿雨碧溪明月弄
晴暉桃花不管人間事只笑山人未拂衣

汪珊齊山寺次華韻

勝遊從客散幽趣問僧賒
暝暝巖心日星星澗底沙
洞煙籠石筍簷溜雨天花
大乘行參罷呼童淪鳳茶
撫景情偏適尋幽興轉賒
洞深雲護鶴潮退日含沙
霽嶺涵清籟虛亭放野花
登登渾欲倦山衲薦新茶

○ 吳彥華齊山寺

齊山古禪刹駐節一間遊
水帶三江秀風生六月秋
石林松葉暗陰洞鳥聲幽
何處尋支遁相從話所求

凌文齊山寺

芒屨踏破亂雲堆綠樹參差小
徑迴天外月來樓湧
雪山頭雨霽澗轟雷無邊好景攜
琴玩有道高僧策
杖陪歸去何須問舟子笑看白足已浮杯

○ 施佑春日過齊山寺

郭外丹青起江邊紫翠凝
石門面湖水山閣倚雲層
蝶醉東風暖花稠淑氣蒸
登臨意未愜聊自記吾曾
林古度齊山寺

古寺倚齊山山門夜不關
翠微亭以下蒼玉峽其間
佛火朝陽接僧房晚色閒
未能爲信宿只合暫遊還

湯公并在宋延慶寺內侍郎湯允恭浚今智

增

陳鴻斷碑已失或曰在宋延慶寺後其碑本末未詳又
卦著二碑亦久失

宋晏中復覽齊山陳鴻斷碑

翠琰何年沈朽壤，羨師尋訪得其餘。應同湘水斷碑字，難辨韓陵片石書。汨沒身名真夢幻，變遷時序易丘墟。收藏且作山中物，莫問陳鴻紀事初。

孫邁遊齊山寺尋陳鴻斷碑

萬木森天遶寺籬，一聲孤磬徹江湄。樓邊已失陳鴻記，亭上猶存杜牧詩。細雨乍經巖溜響，嫩苔長積石橋危。知余好古心常切，僧與前山覓斷碑。

南亭在齊山唐杜牧登眺處今失其所在

增

唐杜牧殘春獨來南亭寄張祐

暖雲如粉草如茵，獨步長堤不見人。二嶺桃花紅錦蹠，半溪山水綠羅新高枝。百舌猶欺鳥帶葉，梨花獨送春。杜尉欲知何處是，苦吟林下拂詩塵。

張祐荅杜使君齊山見寄

孤城高柳鳴曉雅，風簾半捲清露華。九峯聚翠宿危檻，一夜孤光懸冷沙。出岸遠暉帆欲落，入溪寒影鴈差斜。杜陵歸去春應早，莫厭青山謝眺家。

觀音巖在齊山寺後左向有閣今廢

又來堂在齊山寺南前臨大道明萬曆二年副使馮叔吉建崇禎末即改爲公祠久廢

按叔吉以隆慶元年守池州及此復以備兵至

故名自為記後其婿張九德亦備兵駐池州復新此堂肖公像于其內今廢

明馮叔吉又來堂成示二三父老

山堂初敞瞰城闈寥廓收將萬戶春巖勢重迎旄羽
舊泉聲再入管絃新十年國界渾如昨兩到民風覺
更真才奉帝熙為地主願從酺飲樂芳辰

傅淑訓又來堂

朝過此山麓夕登此堂上昔人去不來今人自來往

本朝周體觀又來堂

置酒夕陽裏山公今又來夜漁猶未火且盡紫霞杯
得得樓即玩月故址在齊山寺南又來堂後明萬曆五

馮公叔吉建取岳忠武句名今廢按玩月樓明成化十九年僧祖瑛創

張御史

明馮叔吉得得樓

千年片石鎮巖西何事高樓與石齊一帶雲霞紆舊
刻雙懸日月作新題山光近壓琳宮小海氣遙吞玉
堞低盛世不同戎馬歎翠微得得好攀躋

象鼻石在得得樓下

明傅淑訓象鼻石

香象渡河來其鼻化為石斧鑿煩鬼工天然匪雕畫
蒼玉峽在得得樓後明正德間南陽芮傑重刻岳忠武

詩于石以亭覆之今圯峽中有元至正間所刻普門神
像像執器導者二人狀類回紇峽後一小峯馮公叔吉題曰瑞芝石
峽東有崇禎間孝感傅如圭篆刻李宗泗詩

明傅淑訓蒼玉峽

使者昔行河曾錫蒼水玉何年玄夷君移置齊山曲
劉城憶蒼玉峽

登躋從此路門設未嘗關象鼻石搏手馬蹄詩慘顏
老根穿磴級大跡長苔斑應接知無暇蒼然一峽間
圓頂洞在蒼玉峽內右折即是其上左折則仙人峽也
雲梯在仙人峽之上北登翠微東通憩老

仙人跡一名仙人跡在蒼玉峽圓頂洞之上

明林古度仙跡

何時仙過跡深入石分明足踏能如是仙身亦不輕
本朝周體觀仙人跡

行踏響空山足跡如匠鋸不見衛叔卿騎龍過江去
響板洞在雲梯東又左爲響板鼓臺

王簫峽在響板洞後四明馮叔吉題刻石

明林古度紫簫峽

即玉簫峽

峽開如劈石玲瓏若箇吹簫向此中豈是當年秦弄
玉乘雲來過有仙風

二老亭在雲梯之東明弘治間陳太守良器爲邑人張侍御廷瑞許侍御潛建嘉靖中田太守賦更名憩老

明范吉二老行樂

謝事歸來一事無齊山勝處日歡娛翠微亭上如泥醉留與山僧作畫圖

老人石在憩老亭傍張許二老之所憩也

齊山書院在憩老亭東創于宋歷元貢奎爲齊山書院山長後廢明正德間何太守紹正復建掘地得斷碑有繡春二字遂更額曰繡春書院院門有石曰清冷臺後寢祀濂溪明道伊川橫渠考亭及包孝肅華殿司趙文節黃侍中諸人集弟子負讀書其中汪侍御珊爲之記今圯

明汪珊齊山書院記

惟我國朝嘉重學校爰揭六條以崇先務所以詔守令也詗茲當局有樸有巧有捷有迂見人人各殊罔體聖明弘化之意顧以敲朴足以齊民征科足以辦賦法令足以繩奸將迎足以獵譽具是數端而今之政畢矣又何必援干戚于長圍慕玄音於太始徒規規焉學校爲哉嗟乎爲此說者是率天下於蔽風俗之日媮毋怪也吾池守何侯紹正繼宗下車之明日

亟求政之不便於民及便而未卒施行者大者驛聞于朝小者公移于上得報即罷行之毋忽四郊之外翕然稱快越期年政治洽民和賦輕訟息凡百頽廢相時并作拜瞻文廟慨息傾圮謂不足以妥聖靈而侈偉觀也於是鳩材僱工晨夕展力一時佐貳諸君協相惟謹不逾時大功告成丹楹赤題舉以法又建明倫堂射圃亭齋廡明堂之類興頽起廢奐然鼎新諸庠士遊於茲者生氣百倍而侯之經畫亦可謂詳矣其勤于學校懋體朝家嘉尚之意一矣不但是也又嘗語人曰百工以居肆成事矧茲諸士而無所修之所可終聽乎吾於學校唯視吾力焉爾去郡五里許有齊山焉其巔有石數百步相傳宋狀元華公岳我國初狀元許公觀嘗讀書其間厥氣完萃厥地燥剛諸峯雄拔百卉幽芳真一方勝槩也維正德乙亥夏六月吉乃率諸寮案類捐俸餘創構精舍二十許間二月就緒扁曰齊山書院選庠士尤奇特他日可以遠到者得二十有六人給具膏油紙劄之需俾謝絕紛華一意藏修其中公退少暇間命駕躬課閱之嗟乎茲侯之甚盛舉也豈真為諸庠士抽對黃白操弄鉛槧而設哉蓋將使之明體適用出而樹大功業

建大議論立大節槩奕然增輝史冊俾後人歷數曰
某忠臣某賢士皆池人也皆何侯書院中作興人也
侯之功顧不偉歟予郡人也聞而嘉侯之績慶諸庠
友之遭逢不偶方嘉談而歎賞適柯君遷李君呈祥
輩以大比遊金陵且屬予不佞記因僭及之

余翹飲繡小臺院

平湖新水漫池一上高臺萬頃空俯檻波涵堤樹
影開尊香散渚蘅屋子洞殿塔煙霄外日落帆檣荻
葦中醉染彩毫俱有作千年誰並紫微工

劉城憶繡春書院故

山春色好一徑又斜穿弦誦諸公盛中和太守賢
道文傳錯繡廢礎立寒煙斥毀誰階厲江陵柄政年
微精舍在繡春臺北明黃侍中觀讀書處或曰即宋
書院遺址

明王紳題黃侍中翠微書舍

環池皆名山山深積蒼翠長夏晴雪飛無雲亦陰翳
屋頭有流水時作幽琴鳴掩卷欲細聽風移過前楹
清冷石一名清峭臺即在書院前者

貫日巖在書院東上如井幹然明萬曆中邑人丁旦刻
錢德洪詩於石

雷神殿在二老亭之東書院之西前一亭對清冷臺今廢

一勺泉在清冷臺西南數武泉出石髓中時一上沸陳太守良器取以飲二老因名

蕉筆巖在宋延慶寺方丈之後以張環用蕉書壁名一說唐張祐所書也有黃庭堅兄弟子姪來遊石刻巖下一圓竅深仞餘可容十餘人今塞按宋周必大錄巖在法堂下亦名唐公巖

唐公張環字也

石刻

宋黃庭堅魯直紹聖元年九月辛丑復過池州

大臨弟叔獻叔達大臨子樸桓相槐大臨孫杰及法

姝彪來觀

流泉在蕉筆巖上一作春溜泉在壽字巖西

鼓洞宋時名丹砂巖在蕉筆巖南石崖上口仰舍內

一圓石擊之作鼓聲又曰丹砂石

明聞人詮石鼓

周宣石鼓舊人歌石鼓看來竟若何自是山間有真樂畫堂鼓吹不須多

仙人橋在蕉筆巖上宛然杠也明田太守賦因名之

明傅淑訓仙人橋

瀟湘志卷七
三
纔踐仙人跡又上仙人橋羽衣羣奏樂疑聞碧玉簫
白雲窩在仙人橋上內斂外張如窟宅時有雲氣吞吐
田太守賦爲立今名亭其上今圯

妙空巖在蕉筆巖左宋元祐間蔣之奇么外有梁如環
壁上皆水紋如補陀畫一斜竅亭平日射之光采四映

○ 明劉城憶妙空巖

陡絕曾驚入空空待鄙夫補補微具體鍾乳滿凝膚
窪處真成谷潮生似應湖嗒然觀妙處我欲化爲鳧
一覽亭宋建在妙空巖前久廢

三奇亭在蕉筆巖前本宋延慶院址遷寺後爲山川

明弘治中祁太守司負遷山川壇後爲壽字亭嘉靖初
田太守賦遷壽字亭近西始立三奇亭於此謂石鼓洞
妙空巖仙人橋也亭廢嘉靖中虞巡按邦譽復葺之又
廢

明李鶴鳴三奇亭記

江之南多名山並江而郡者池爲勝蓋九華之秀立
傑出可以匹武夷鴈蕩然僻在郡東南七十里外負
郭有齊山焉高不能三十仞實多怪石人士不絕遊
故嘗齊名九華然石怪狀雖衆凌厲叢沓類鮮天趣
維南有妙空巖者乳溜所凝結穹若空隆紺翠蒼綠

潤如過雨妙空西上爲石鼓洞洞有石旁出如肺肝
白肌赤脈擊之齧然遠聞可諧筦絃又西爲仙人橋
廣僅咫尺長五之虹跨兩崖膚理渾成殆造物者之
肆巧維是三者於齊山爲勝前太守一竹田子亭於
其會命之曰三奇特表異之歲更而亭敗嘉靖十三
年閏月侍御東厓虞子按節於池及暇從太守三峯
侯子指齊山登焉迨茲亭址謂太守曰山之奇誠莫
踰此子其復亭之吾聞之古君子之爲政也必時觀
遊非以宣佚也蓋過勞則精滯神浮慮煩而思鬱昏
怠之氣將冒沒于心而政是用靡是故君子勞矣必
有以節宣之使此心渙然怡愉清明平寧以恒吾政
今池託觀遊於茲山而茲亭實都其勝子其復之太
守唯以退已而屬邑銅陵義民徐正本正位者願效
子來之義任其費因中丞秋浦汪公以請于東崖子
子是許之且曰樂趨公役民之順也太守之政也可
以觀風矣夏六月亭成四楹複檐弘敞壯麗加於其
舊侯子以書屬記於金華李鶴鳴乃秋九月將晦李
子適以文事至池始爲記之因以東崖子復亭之意
告後之君子

壽字巖在三峯亭之西宋名新巖巖左峭壁上有壽字

高廣約二丈餘張時修所刻

石刻

宋池郡丞斛公解組還朝餞別于齊山者十有九人
顓子固張元珪岳毅叔劉子升
伊仲陸子東劉問
遠戴文舉馬仲明孫祖慶張彥通向思謙周旭初白
舜臣李子大陳平初朱有功紹興己卯仲春三日向

開初書

又宋紹定間劬農於巖左刻有今日不緣民事出偷
間何惜更徘徊之句漫滅不全

雲壑亭宋建在壽字巖之左久廢

功巖在壽字巖北上

清巖一名觀音巖在壽字巖之上石壁峭削俯探奧
巖最上一峯尤為突兀古今題詠多刻于此有亭何太

守紹正建今廢

石刻

宋池陽太守郎中沈立至和甲午

又宋至和乙未夏四月轉運使唐介子方知郡事吳
中復仲庶通判州事吳瑛德仁二十三日同游齊山
又宋程正輔蔣穎叔題名嘉祐四年

又宋池郡太守襄陵鄭雍公肅帥吳興劉述孝叔蒲

陽許敏修江南夏公酉同游齊山熙寧辛亥仲冬

○明邢綸上清巖亭

名山乘輿過小憩上清亭聚散江雲白高低野樹青
乾坤分外渺人物此中靈滿目秋光靜長吟酒未醒
○劉城憶上清巖

猶記鐫題處登高有大夫崖懸縵度足雲起寸爲膚
清氣圍孤榭幽觀限遠湖此間疑上界擲鳥可成鳧
○本朝周體觀上清巖

埽石坐秋風如坐小屏障何年鳥跡書飄落青巖上
寄隱巖在上清巖東北百步許有亭崖上有齊山二字

八分書世傳宋包拯所刻又一小巖有寄隱巖三字

石刻

宋熙寧甲寅重陽日太守劉敦思甫題名

又宋淳熙甲辰二月癸酉郡守陳良祐率其屬孫昌
言蕭忱舒光張皞呂宜問顧時大周檉史端祝致一
韓澆澆即澆古文省游齊山登翠微歷小有探左史而歸

○明王守仁遊寄隱巖

每逢山水地便有卜居心終歲風塵裏何年滄海濤
洞幽泉滴細花暝石房深青壁留名姓他時好共尋
招隱巖在寄隱巖西五步外有橫徑通之

一人泉在寄隱巖南其泉止飲一人故名

石磴在上清巖東北三十步峻不可上田太守賦為之
齒以登通無極諸洞

最高亭在上清巖東北無極洞之前今廢

無底洞今名無極洞在寄隱巖後石峽深峻窺之窅然
故名

菡萏石在無底洞口

休休亭在無底洞南田太守建今廢

明任柱休休亭

山山嶇路險羊腸拂看峯頭坐大荒行到可休休便

得白雲影裏看人忙

龍門峽在無底洞東北三十步石壁高數丈遊者必單
行焉田太守為題今名

石徑在龍門峽西二百步許左通休休亭右通妙空巖
翠微亭由雲梯北上山之巔也舊傳唐杜牧九日登高

在此其亭自宋迄明屢建屢圯見成化中胡廣文守太

常顯崇禎末程副史世昌即公記中本朝康熙年

郭太守世純復築之今又圯

宋梅詢翠微亭

鳳刹岩堯挂斷霓鳧雲沮洳暗牕扉江風曉定釣人

出山月夜隨禪客歸徑畔芭蕉曾有喻庭前柏樹本
無機我來重見當時叟紙帳松房補衲衣

孔平仲翠微亭

蠟屐縈紆洞府間飛甍人在最高巔青山東去無餘
地黃潦西來正接天太子池塘煙漫漫紫微踪跡草
芊芊松枯石朽由來事莫作常情歎逝川

周必大翠微亭

地占齊山最上頭州城宛在水中洲蜿蜒正作長虹
墮吸住江河萬里流

天遣江山助牧之詩材猶及杜筠兒向來稍喜唐風

集今悟樊川是父師

自注池陽記載牧守郡時妾有
娠出嫁州民杜筠生杜荀鶴

遊已還寺再登翠微亭次湯平甫韻二首

上清別殿舊通明仙聖飛騰戶不扃出郭尚疑隄列

岫絕堤始露嶽真形

自注堤盡循水而觀
石骨層出山形在此

奇奇怪怪

無非洞下下高高總可亭但把醺酣酬絕景天風吹

面徑須醒

相君早日翼天飛晚落江湖事以微好事一時開翠
壁佳名千古記黃扉朝遊要及雅翻樹夕返何妨螢
濕衣更得湯休奇絕句後來誰憶謝元暉

楊萬里提舉黃元章登齊山寺後上清巖翠微亭

望郡城左清溪右大江蓋絕境云

西山落日浴晴江僻貫清溪作一光千嶂圍來天四
合孤城湧出水中央樓臺玉塔雲間見楊柳金堤鏡
裏長客子要窮秋浦眼翠微亭上上清旁

余迪登翠微亭

數年樂此宦池城每愛湖光分外清遠浦落霞秋水
闊亂山斜日碧雲橫牧吹牛背林晚漁唱舟中對
月明同覽翠微重弔古謾將詩酒逐交情

池陽勝跡翠微峯今古才人咏不窮僧寺宛如仙仗
裏人家儼若畫圖中迎風楊柳依依綠帶雨桃花淡
淡紅沉醉不知歸去晚匆匆回首日升東

元貢奎春日呈郡守陳秋岡

翠微亭下獨遊時腸斷風流杜牧之寂寞年來有遺
事江山分得使君詩

明陶安九日登翠微亭分韻得滿字

山川甚雄麗積雨爲磨澣天開秋氣清遊娛共蕭散
石徑接巉巖興到行不嬾微霜護新晴杲日送餘暖
層嶺躡高寒境勝世所罕蒼茫四無極自恨目力短
危亭基蘚殘麋鹿荒町疇居然龍虎勢城郭在平坦
崇阿弔離宮老木蔭僧館松雪引徐步蘭露入清盥

沈當重九節野菊相留款賓朋笑語間文理謝雕篆
好風襲尊俎幽鳥哢絲管人生光景速每恨樂事緩
嘉會幸一逢何辭累觴滿

葉繁謁池州翠微亭

石尤終日阻行期遙上齊山謁翠微石徑崎嶇荒草
合野亭凋謝落花飛當年賦咏人何在此日登臨事
已非却憶樊川千載後不勝愁絕對斜暉

汪珊全陳侍御遊翠微亭

望望孤岑際參差歷翠微拂塵摩古刻衝蘚振華衣
霜冷水雲澗山晴風霧晞從容陪勝賞竟日擬停騑

使節臨郊野榮光照草堂幡搖雲樹影袍拂洞天香
空澗滌歌榭殘鴉背夕陽願言宣雅調寒谷發幽芳
黎擴翠微亭

晚上高亭酒半醒望中秋色極冥冥夕陽半落吳山
紫芳草未衰淮地青樹擾商聲鳴遠壑鴈拖雲影過
前汀西風又送城頭角惹起鄉愁不忍聽

章璧翠微亭

曳杖穿雲躡翠微幽亭高構隔禪扉殘碑剝落生秋
草畫棟虛明映夕暉九日題詩人已去半山落木鳥
空歸登臨且盡尊前興莫歎當年往事非

池州府志卷七
章瑩翠微亭

載酒僧房飲欲闌清風勾引上層巒路通疎竹林中
過琴拂枯梅樹下彈歸鳥串蘿雲影亂飛泉濺石雨
聲寒盡收風月奚囊裏一笑不知天地寬

李岳鍾翠微亭

偶因驄馬客同上翠微亭遠水連雲白平蕪入望青
捫蘿尋石洞剔蘚讀碑銘斜日殘霞外依稀一畫屏
○許宗魯同柯獅山飲翠微亭次杜韻

露冷江空木葉飛孤亭嵐靄坐霏微邊鴻影落書難
到野菊花開人未歸巖宿高雲寒暝色湖搖西日蕩
秋暉招遊況有山川主送酒何須望白衣

柯相次許少華飲翠微亭

山亭雅集羽觴飛妙境冥深路轉微塵世菊花遺詠
在江天鴻鴈好音歸清風載道先秋爽白雪連篇照
夕暉喜共乘驄天上客曠懷欲典故人衣

董其昌登翠微亭

煙迷楊柳洲水拍芙蓉岸我憶南湖秋西山暮雲亂
姚孟賢遊齊山翠微亭次杜韻

晴空四野淡雲飛把酒臨風上翠微石崖古峽蒼苔
滿疎樹長林白鶴歸千頃湖波開勝槩萬家煙火送

殘暉乘興漫遊歸去晚柳堤月色已穿衣

○ 余翹與諸友上翠微

登高狂客醉相扶山色江光遠近鋪峯削芙蓉分九
子洞森芝草似方壺晴空飛閣雲來往絕壑流泉韻
有無勝地聚遊真樂事詩成況盡得驪珠

程世昌翠微亭野望

亭開山面接清谿流匯平湖勢欲西幾道飛虹關不
住江帆更引水東漸

○ 劉城上翠微亭

程公修復者

春山真淡冶峯近翠尤微幾處此亭古一朝好振衣

廢興閱世有遊宴及今稀可惜已公屋淒涼汲井靡

本朝周體觀翠微亭

孤亭翠微上洞口翠微下何日洞中來燒丹住林野

○ 吳一鳳翠微亭

地有千章秀山惟數點明邨深朝爨出流急午朝平
絕處煙霞路來時風雨聲微官猶不惡驅馬畫圖行

郭世純重建翠微望江二亭

誰賚雲軒對鶴衙天教生性癖煙霞馬蹄未惜兩三
里茆屋旁開四五家忽見峯前飛過練且留洞口坐
隨花羣公厚意容疎放漫道開山謝永嘉

法若真題郭太守重建二亭

齊山亭子與雲齊影落南湖萬樹低攜雨龍從石洞
出看雲人去杏花樓帆懸九子同江合天盡三山望
海迷自是魚肥諸客至非關問政躡丹梯

秋浦環山山半亭光芒昨夜起文星江平雲湧千峯
白嶺斷煙含萬畝青題壁寄陂仙吏隱傳經石屋老
龍聽漫驚李郭同舟楫國士雙開雲母屏

佟世思翠微亭

翠微高處踏歌聲放眼凌空落照明萬壑行雲挨岫
過一湖春草接城生帆窺遠樹長江細雪凍遙峯九

子晴我欲振衣發長嘯蒼涼不盡古今情

陳錦宸翠微亭

石磴遙登足力微山山晴翠拂雲歸昔年臺榭今何
在只有殘霞映落暉

華岳故宅在今山川壇後有岳手植松十數本尚存邑

人劉廷鑾有華岳里宅記按記云齊山市有宋濟禮坊

未必切岳或原係舊坊名俗人不察遂附會其說耳濟
川橋南宋呼為狀元里此則以岳名也今巷口尚存一
石後魏高七尺許相傳岳里門故物明萬曆中郡
推奉公懋義又豎一以配之今俗猶呼獅子口云

明余翹華公宅

趙公墓近華公宅趙有祠堂華餒而幾度山川壇下

泊松風夜半使人悲

誅奸有疏震當年萬古高名日月懸欲問山僧尋舊
宅野煙橫地草芊芊

方以智華家松

山川壇裏華家松一陣風雷化作龍倒挂雨中將卷
地等閒却被墨痕封

宋侍郎湯允恭墓在山川壇北向有碑今亡

見秩祀志

五雲菴在山川壇西一里許明萬曆中建前有化日亭
齊山孔道也丁文恪公記

明吳應箕同劉伯宗自五雲菴至齊山

出郭青蕪十里鋪林煙深處好攜壺一時良友情皆

勝五月深林興不孤紅粉可知香積意

是集有妓

白雲長

為翠微圖遊山歲歲疑山路著屐相扶日已晡

首夏尋山山更青因於巖壑失朱明幾多滅沒碑題
斷到處哈呀石勢迎感慨已忘遊跡遍蒼茫猶見髭
雲輕也知眺覽情何極相送長堤柳色傾

釋行奇齊山五雲菴作

二嶺齊峯結五雲竹樓精舍也同羣新筠引入誰家
客古此岩曾留宋代軍樹遶湖光鶯拂浪山環霧幙豹
生文正堪信宿花枝下却遇田翁社飲醺

以上皆山之南

按劉漢系齊山志曰王哲記齊山自佛閣妙空巖至翠微亭為

山之右自華蓋過繡春臺二洞為山之左別列虎嘯醒翁巖為山之北是歧而三之矣田賦舊圖南起朝天洞及最高亭陽春嶺而止餘皆北之矣不知嶺必有南北由首及尾皆然今以山板為斷翠微亭而下悉南也翠微寨而下悉北也南始於寺終於五雲菴北始於蓮子洞終於醒翁巖今悉依之而增南亭湯公井湯公墓數條并稍為之更其次序焉

九頂洞一作九鼎洞在雲梯東百步許袤三丈廣半之

如覆釜上有九凹故名宋知州王哲易作集仙宮

按宋

大錄曰集仙正微之所帶職也

壁上隱有淳熙己酉等字已漫漶不可

讀矣洞左又一洞斜側而幽或刻曰集仙洞

明龔一清九頂洞小玩

夢探齊華洞黃花為我開九環懸石鼎一竅引天台

白籟還吹籟停杯復舉杯秋風凌翠色洞口白雲迴

趙世顯九頂洞

春風載酒同清賞無數花開小洞幽幾見名山懸石

頂信知人世有丹丘消消寒溜露衣濕冉冉晴雲遶

樹流到處風光堪吏隱何須更覓赤松遊

劉城憶九鼎洞

大藥何年就應從此洞分羣仙都拔宅九鼎略留紋

彷彿餘爐燼低微納谷雲游人指點處遠嘯亦時聞

本朝周體觀九頂洞

隱隱九仙人長揖謝凡客牀頭臥白雲洞口封紅葉
九華多奇峯九頂多奇石若逢米南宮一步一踣躑

佟世思九頂洞

石磴蒼苔破屐痕翠屏丹嶂自成邨不知雞犬何時
盡雨過白雲生洞門

一人泉在九頂洞內一穴深入上竅通日光有泉涓涓
集方石上可供一人飲非寄隱巖前之一人泉也

翠微寨在九頂洞上匝觀郡樓諸處宋紹興間岳將軍

飛駐軍于此

按宋史紹興中飛常自臨安至鄱陽江州鄂州廬州必取道池州而年譜本傳又特

書紹興四年出師池州也有詩後人刻之寺左

宋岳飛題齊山

經年塵土滿征衣得得尋芳上翠微好水好山觀未
足馬蹄催趁月明歸

明余可才次韻

誤脫西巖薜荔衣於今重上力全微秋風袖薄黃花
冷拾得齊山一半歸

舊志誤宋人作其孫余翹有辨今改正

胡本惠次韻

齊山登高拂塵衣忽憶題詩杜紫微縱把黃花滿頭
插西林爭似晚僧歸

范吉次韻

巖前再拜拂苔衣忠氣猶看照翠微
添得齊山無限勝且歌且詠未能歸

朱璉次韻

拂拂天風吹我衣一邨一徑望中微
捫蘿直上孤高處間看山雲帶雨歸

李盤次韻

樓觀赤白羽紛飛吟咏空追杜紫微
安得岳家軍尚在埽清羣盜錦衣歸

觀郡樓在九頂洞後山唐建宋知州王哲易曰青霄亭
久廢

青霄巖在青霄亭下

翠微亭在翠微亭東北百步許北至石門五十步有
小九華今圯

宋晁補之齊山怪石森聳其西峯曰小九華

山上有山俱籠

力董切

窺

子孔切

谷中通谷更哈呀借君

筇杖穿奇險直上西峯小九華

明趙世顯同任養弘工部姚心庭董泰麓王鳳梧

三郡長集齊華亭

嘉靖間亭名

徙倚翠微半悠然望遠山徑迴蒼樹合天迴白雲間
好鳥笙歌裏明湖几席間欣同佳客醉向夕不知還

本朝周體觀小九華峯

繞澗石峯斜峯峯帶落霞不待山僧指知為小九華

方榻石在小九華峯前明崇禎末黃太史文煥題石門在小九華峰北十步許明嘉靖初田太守賦題刻石

曠怡亭在石門北十步許繞而南竇雲巖也

漫巖在小九華峯前宋江湖漫士鮑延祖憩此名按延祖高

宗時人巖下有石如門吳說刻漫巖二字傍有張環康

定元年題名南崖有唐篆齊山二大字世傳齊映書前

有漫巖亭今廢

大石谷自小九華崎嶇入峽稍前即是

穴力窟在大石谷前深不可測

唐公巖在漫巖北三十步張環題按宋周必大謂蕉筆巖亦名唐公巖似誤

竇雲巖在唐公巖北遶而上約二十步兩石如闕門上

刻竇雲巖三字

紫微臺在竇雲巖後以杜牧之名唐時所建亭久廢尚

存石刻數字

宋梅堯臣池州紫微亭

江雲如旗脚墨點飛鴈行平圃采芳菊上水酌桂漿為言此何時杜子逢重陽醉思莊生達哂彼齊景傷

至今孤亭間獨有九日章昔我來齊山山僧迎道旁
騎馬到寺門亂石屹若牆值雨不遍歷但取山泉嘗
牧之舊游處苔滑屐莫將却返弄水涯隔溪望青蒼
絕頂見茅屋洪波日湯湯雲霞與鴈鷺還動私客腸
去逾十五年游宦韓陳梁哀哀遘禍殃乃再居南方
欲往尚未可追吟寄支郎

大觀亭在曠怡亭西上山椒百步許明嘉靖初田太守
賦建今廢

涵秋亭在大觀亭之前今廢有明令姚孟賢碑

明黃尊素全胡馨寰虞乾颺周玉汝集涵秋亭

烏道縈紆百尺峯孤亭傑出破空濛霏微翠影江流
外掩映秋光草色中座客雄詞分謝李碑文荒蘚辨
魚蟲攜尊尚欲尋幽處煙火千家動晚風

○劉城憶涵秋亭

此亭亦已古秋色繞檐穿入眼曾飛鴈攜壺想昔賢
遠江遙落景殘盞滿浮煙楹砌頽霾際永和誰紀年
○本朝周體觀涵秋亭

杳杳湖山暮蒼蒼雲樹秋不期如畫裏返照照池州
隔浦望江天瀰瀰知遠近不見江水流但見江帆轉
望江亭在巖上宋建圮明天啓中邑令李一鳳重

昔毀于兵 本朝康熙初郭太守世純重建今又圯

○宋曹應庚望江亭

返照猶餘落日情望江亭畔海雲生星槎半入林煙
暝秋鳥初驚野月明九派溪流鍾磬遠千邨霧結水
雲平不堪更上高峯望腸斷玄猿幾處鳴

明傅淑訓望江亭

登臨一睇望衮衮長江來戰血淘不盡英雄安在哉
伏駝石在寄隱巖後山之趾明崇禎末黃太史文煥憩
此以其形似駝伏名

玄武石有二在寄隱巖東二百步許馮副使叔吉以石

名

趾石在玄武石右亦馮公題

鳳巖巨石也在麟趾石右

左史洞在山北濱湖廣如深巷懸如肺滴如珠左史李
方玄也按左史刺史李方玄所帶館職而名勝有唐會
昌五年杜牧刺史張祐處士題名今泐

石刻

天下起兵誅董卓長沙子弟最先來按石刻在洞旁
呂溫詩也今磨

去

明錢德洪更洞名翠華詩

千年洞在無人問此日登臨始得名莫道洞因名後
顯石門長對翠華屏

○余翹左史洞

草沒桃源近百年落花重認隱神仙晴巒迴合渾無
路古洞陰森別有天瀑散千林飛霧散風來一徑斷
雲連應愁他日還迷失共把新詩埽石鐫

鄧城憶左史洞

史公亦有洞別舍也難知生客向誰問老僧引尚差
沉沉大屋好戀戀出門遲萬一逢毛女趨風得就之
方以智游齊山歸賦別

劍光磨得歲華寒隻影聊貽心所歡止剩聞人班草
坐不愁逆浪過江難洞爲左史驅雲入飯待明朝煮
雪餐發此一聲吞不下二三人忽再三歎

本朝甯峒左史洞

荆棘芘芘古洞迷腰鎌斲路覓層梯壺天高敞多奇
勝巖竇幽深有舊題風響石間飛鼠亂雨來嶺外野
禽啼蒙茸衆壑難搜剔琴匣何時再共攜

化成窩內通左史洞之尾

史巖宋初名新興洞在山北由磴而下鄧湖史定之題
字漫沒明馮副使叔吉爲重鐫

明余翹遊史巖

湖豔山晴望目賒杖藜載酒入煙霞壁蘿雨霽猶懸
溜洞樹春殘始放花一穴深嵐藏鳥鼠千年遺篆隱
龍蛇眠雲坐石不能云日落高天飛亂雅

李之世遊史巖

兩崖立剡剡墜壑勢如倒本以凌高巔翻疑行隧道
撥密纔見路履冰尚餘澇因思春夏時遊足詎易到
飛石似枿櫨覆以幔天幬昔聞面壁僧石盃然燈照
今惟鼠司扉仄磴懸孤峭陰先生目慧不借曦陽耀
盤盤戴屋行靜閱領衆妙依稀見巖字鐵函劖丹嶠

山膚列敦彘紺碧發古奧如穿九曲珠委宛中有竅
人遊混沌天被衽手爲導趺笏警空冥能攝浮根譟
旁竇黝而深非炬不敢蹈徑窮同亦隘束身仍足帽
鐵甕錮不開但聞遊伴叫偃行穿甯戶乍驚踏泥淖
纔透一線天尚墮千尋窖轉循故道惑投足意悄悄
搜奇興再鼓濟勝骨逾傲出洞始惘然憑厓方自弔

○ 劉城齊山探左史洞至史巖

遊人愛齊山多在山南止山南豈不佳美好衆所指
未若迤北間陰森拔地起華蓋固高華神工如結綺
及深左史洞黝然總神理到門即窈窕太古雪成滓

稍進見夏屋高廣亦清泚石色照肌清穹形干雲峙
四方而削成彼外此則裏我聞林屋名祕跡稱殊詭
廣長或未幾曠奧應止此數武尋史巖幽險無與比
倒石如懸牆稜稜若斷齒壁燕集成黑倒呈大逾咫
體性肅且寒流乳皆霜髓遂警遊客心端恭斂張侈
山南我所愛山北我敬只平生游齊山幽邃自今始

又憶史巖

前哲棲遲處巖幽石骨清撥雲尋路入放膽擬妖迎
深黑羣靈祕懸垂亂乳生外人不足道心與史公盟
本朝吳彥史巖歌

何人所斫地石開坼出口向天若干尺半空張厂如雷
檐豈有羣仙爲窟宅我來層級下尋幽攀葛牽藤趾
莫留石燕懸厓高倒挂洞墨徐探前偃僂曲折左通
巷轉接一窺深宵心欲怯大書史巖雙鈎鐫翠潤陰
寒摩似鐵宋人好事遺姓名陷滿滅沒斑縱橫一二
年月僅可識刷苔求畫欠分明水乳隨滴若無意瘦
骨繡錯鋒尖利磨煙拗取生竹枝篆題屬我山賓弟
吳非黃花開殘紀乙未劉子王孫共游事劉漢系
潛蚪洞在史巖右廣五尺屈曲十餘丈轉入轉黑明吳
子玉記以爲即石燕洞非

繡衣石在史巖傍如槃臺可坐

芝石在史巖之阪舊有湖山樓今廢

醒翁巖在北山之盡以醒翁石名向有亭今廢

三及泉在醒翁巖從高而下凡三級

石窟在山北層崖邃谷若宅然

弄水巖在石窟西北一里許石壁陡立有水可絙而下

李刺史隄在山北長三里許唐刺史李方玄築宋時遺址尚存

有待巖在山北李刺史故堤之東爲齊山諸巖之冠唐李方玄所名刻記於其上今其字漫宋王哲以爲李芄

刻非

虎嘯巖在李刺史隄東

石眼泉在虎嘯巖東

石虎洞在巖下今稱老虎洞洞口一石如蹲虎有九曲水

覆釜石近石虎洞

繡春臺在東巖之頂三字宋魏了翁書北下有繡春道院廢石扉存明隆慶間邑人劉正蒙有繡春臺記

宋吳潛齊山繡春臺調寄滿江紅

十二年前曾上到繡春臺頂雙脚健不煩筇杖透巖

穿嶺老去漸消狂氣習重來依舊佳風景想牧之千
載上神遊空山冷 山之下江流永江之外淮山暝
望中原何處虎狼猶梗勾蠡規模非淺近石符事業
真能頃問古今宇宙竟何如無人省

本朝甯峒繡春臺

平岡僧導一枝筇不碍人呼作雨峯俗呼雨山頂春暮特

來尋秀色臺荒何處覓遺蹤山頭苔碣全埋土林麓
茅茨半屬農趺坐草茵忘世慮可聽清梵遞疎鍾

獅子洞在繡春臺東約二百步許洞口開張似獅子故
名

山頂洞在獅子洞西皆宋端平中王哲所名非蒼玉峽

之圓頂洞也

陽春嶺在山之東北或言即水車嶺非按自青陽至郡取東道入九華

門必
逕此

明劉城憶陽春嶺

幽奇山以北度嶺客方知葉滿麕蹤亂坡長石齒差
溪流看不遠夕照落偏遲一杖風篁裏扶吾任所之

龍眠岡在陽春嶺東

羅漢洞在龍眠岡前

石柱崖在羅漢之峽近見湖亭

馬軍寨近陽春嶺

華蓋洞距陽春嶺二里距左史洞亦二里石勢輪囷方
圓三四丈游者探洞從後一穴偃僂而出亦奇境也明
嘉靖中郡丞胡文路與姑孰節推雷達皆有華蓋洞遊
會記郡推雷賀為之賦

趙世顯華蓋洞

古洞幽奇自昔聞洞門花氣晝氤氳妝成麗石霞千
片點破青山鶴數羣後路擬通三島去傍崖如自九
疑分誰言纓冕成羈縲岸幘猶堪傲白雲

孔貞運與王乾純羅心華遊華蓋洞

此日占星聚相攜選勝遊逶迤山徑小空嵌洞天幽
濕氣常疑雨寒陰不待秋小亭堪遠眺雙塔漾江流

劉城憶華蓋洞

林屋如何似巨靈小擘分竇車疑入畫華蓋儼成紋
琢石為蓮舍蒸虛出斷雲往年徒倚後笙鶴久無聞
方以智遊華蓋史巖左史諸勝

我聞漳浦改池山墨滴天池露一班行到方壺根下
過送歸浮渡眼中間碑當劫後風如斧詩挂刀頭響
是鏗欲倒長江洗塵土重栽古樹建新關

本朝周體觀華蓋洞

華蓋應天星胡爲空山涯夜雨藏麋鹿春風藉落花
康范生華蓋洞

齊山片石總奇峯此洞迴環更幾重共歎神工難擬
議權將華蓋想形容雲封封谷背疑藏虎水滿湖頭好
臥龍間眺莫愁歸路晚長堤月下緩扶筇

甯峒華蓋洞

廿載重來入洞探仰看翠蓋繡澄嵐神剜空谷懸雲
屋佛授華嚴闕石函闐寂巖棲餘野衲留連杯酌恣
清談紆徐松逕登高阜遙矚江煙盡蔚藍

華蓋菴在華蓋洞旁菴西有見湖亭明天啓初胡太守

芳桂建丁文恪公爲之記今祀

明余翹

策杖尋僧磴也盤上方深在碧林端風傳鍾磬千山

應雲鎖軒牕八月寒湖近水光搖石檻庭空花影拂

瑤壇徘徊恍山塵寥外題徧迴廊興未闌

黃尊素遊華蓋寺

子久廢太守
胡馨寰興復

古竇深深行處疑玲瓏寶蓋下仙鸞石井帶雨長流
濕洞爲樓雲自貯寒梵宇新開支遁住并州嘗指葛
疆看談詩核韻忘時法劇飲肯令我輩寬

本朝周體觀華蓋菴

山僧不住洞，洞口結禪關。時見白雲裏，幽人相往還。
○鄧煥元遊華蓋菴

疎林開石磬，絕壑倚蒼藤。忽有前朝寺，相逢故國僧。
層雲沒鳥道，落日下魚罾。煙水蒼茫外，扁舟憶季鷹。
楊森游華蓋菴

踏遍蒼茫此暫休，禪菴初蓋竹幽幽。新松不掩三竿日，大壑驚逢四月秋。石在山中多識字，天于壺裏學浮漚。游人去後空相憶，老衲年年住上頭。

○依世思華菴
巖隸甘雲擁，一氣層巒行盡有人家。壑中作樹深藏

寺對外石田，半種茶燈照滿龕。佛亂坐山明，殘日魚爭海。洞天一入休，回首擬覓仙人箭。鏃砂

集仙洞有集仙亭，與見湖亭近。非九頂洞之集仙也。田賦

山共過唐樞齊山一俱
載其多焉二當辨之

○明羅正夫集仙洞

千年石壁長蒼苔，無主春風花自開。滿地紫芝松逕冷，到門惟有白雲來。

石燕洞在華蓋洞左

玉柱巖在石燕洞西北，深可丈許。

石林菴過華蓋洞里許，今廢。

明劉城憶石林菴

我友誅茅始疎椽亦自清僧炊松
餉客至竹狸迎
左右巖泉近高竹豆麥生他年
細小築山鬼聽吾盟
青雲堤自陽下嶺下達九華門外之興濟橋長六百餘丈為橋洞者五
兩曆間郡守劉孟雷創築使人出東道歛人汪道昆為之記後圯姚太守士觀胡太守芳桂相繼築修邑人丁紹軾為之記又圯
本朝康熙初朴太守懷玉重築之

本朝朴懷玉青雲堤落成賦

金堤十里埭齊山獨據江城第一關形勝石妨隨

關經營敢憚戴星還芳追前哲蹤猶在政舉隆時吏自閒更快子來趨事日歡呼聲動碧潺湲

東望輪蹄出水涯百年重觀舊皇華晴霞日煖紫千

柳煙雨春深鎖萬家攬轡幸無鯨鼓浪褰帷但有鷺隨車平湖遙亘長虹彩會見堤邊再築沙

相

以上皆山之北

按劉漢系齊山志曰杜牧之稱李景業使君鑿齊山北而得洞

穴怪石不可名狀以田賦舊志按之山北止弄水史巖華蓋十餘巖洞耳山志關疑中有曰取

龍曰石虎曰王桂曰新興曰左史曰羅漢曰虎肅皆在山北故並入然湮沒尚多李刺史之遺

跡未盡出也

雲巢在山之西宋錢塘沈遼寓今失其處

增

○ 宋沈遼池陽

寒煙寂寂鎖清溪
圓月亭亭上曲堤
小杜風流遙可想
閒調絲竹舞金泥

○ 初創二山

左山叢古木紫帶多
美竹右山少平地
硿礧斷蒼玉於此
豈無竹蒼疎倚巖
谷上參九頂道俯
浸清溪澳於彼豈
無石嵌崖大如屋
景業讀書處基構
有遺蹟始吾購二
山何為不相屬中
間古蘭若臺觀當
山腹巖洞七十二
龍蛇所潛伏昔人
作軒榭高深寄秋
麓

我乃巢西掩手自親
鉏劬清溪漫無際
島嶼相重複雨餘
山更佳春流漲平
谷下矚池陽市修
煙弄芬馥大江天
上來淮山點着綠
老夫豈無意落日
傲鴻鵠東嶺亦誅
茆小菴麕容足六
峯引南睇九華勢
相續白雲與誰期
千載媚平陸清曠
無俗韻修明資遠
目去秋已種麥今
春復栽粟野老豈
余欺東坡幸膏沐
二山誰與適最與
枯藤熟相見詎無
人顧我真麋鹿一
年一瞬事何暇知
委曲得此化餘年
不問君平卜朝天
洞在齊山寺西石
壁對峙如門其北
如屏疊折而上洞
正南向故名

池陽勝槩樓在齊山寺之右堤之首今廢

蓮花池在池陽勝槩樓之北廣延一里許

蓮子洞在蓮花池南一里許深二丈

翠微堤由山右屬城南長三里許唐刺史李方玄所創

築按唐杜牧李方玄墓志有堤城南五里以涉為欄即此而志稱為李芄築誤明萬曆中秦

司理懋義稅以石本朝順治中顏太守敏修之石埭

蘇汝霖記康熙十一年朴太守懷玉以形家言欲使行

者出東道盡徹隄石治青雲隄而行者不可禁隄存如

舊四十四年永守是邦為作三孔子隄通水道焉

明阮自華雨走齊山隄

雨中被酒岳王臺盡插山花繞髻開隄上一時呼北

阮角巾未墊不歸來

齊山湖在翠微隄下本清溪水夏秋間瀦于此從東北

瀉興濟橋出清溪口

宋曹緯自齊山泛湖歸家

十里平湖漫不流晚風吹浪打行舟定知歸得侵燈

火家在菰蒲最盡頭

明錢德洪齊山歸舟贈柏軒丁丈同遊五人

七十高懷學壯游千峯踏破放湖舟隄橋月色歌聲

發笑倩兒孫勸酒籌

鄭三俊月夜泛齊山湖

月明天在水四山渺一色涵虛動清影波光碎流月
前江漁火亂擢歌時一闕我意欲何如爲擊唾壺缺
吳鍾湖上看齊山

長隄初柳罩輕雲咫尺齊山天下聞兀兀峯鱗驚石
浪青青湖草出波紋不將茂樹遮游客賴有開亭駐
逸羣却怪居人多草草但從山色透氤氳

吳應箕同友泛舟至齊山

正在秋冬際還宜山水間因舟得濟勝觸
可開顏覽眺情無極蒼茫色帶殷持杯亦偶爾新月待人還

本朝曹風秋夜集湖上賦得家在菰蒲最盡頭

家在菰蒲最盡頭夕陽煙水送羈愁漁歸岸閣燈千
點鴈落天空笛一樓別嶂有猿皆嘯月長堤無樹不
吟秋同心共託蒹葭老載得離騷伴夜游

湖上樓在翠微堤之中明萬曆中秦司理懋義建并畫
秋浦十洲圖于壁今廢

閻亭在隄畔水中明天啓間顧太守元鏡建有閻亭八
詠

瀉水橋在翠微隄之盡去城南數十步即宋以前淺水

橋也

淺水橋見宋
何心大錄

明湯顯祖池陽城南今稱橋南

池南三十六青峯暗與青華色氣重日暮煙籠片霞起江光飛滿石門松

孔尚大春日由瀉水橋之齊山

兩隄垂柳盡凋殘風透顏垣面面寒只有鷓鴣能適意葺隨新水上沙灘

舊遊能記亦模糊弔古無情倒酒壺野葛斷碑荒洞戶夕陽虎跡駭樵夫

以上皆山之右

按劉漢系齊山志止朝天洞蓮花池勝槩樓茶湯菴翠微堤湖上樓閣亭瀉水橋映齊菴及城南石洲平天湖諸處今增雲巢而刪茶菴映齊菴其石

州平天湖別另見焉

披齊山圖畫志宋以前已有之惜無存者明弘治中寺僧道璫始輯齊山詩嘉靖初郡守建安田賦始輯齊山志而續于郡守臨海侯緘增于御史吳興慎蒙重刊于邑令西粵張茂梧入本朝邑人劉漢系總輯為齊山圖畫志分山南山北山右今依之為一卷